



## Upplýsingar um fylgigögn

### Almennt um fylgigögn og staðfestingar

Umsækjanda er bent á að eiga afrit af öllum gögnum sem afhent eru með umsókn. Ef umbeðin fylgigögn vantar eða ef þau eru ekki fullnægjandi er **umsókn hafnað** og ökutækið fæst hvorki tollafgreitt né nýskráð. Afgreiðsla umsókna getur tekið allt að **tvo** sólarhringa, en ef viðkomandi gerð ökutækis hefur ekki áður verið skráð getur hún tekið allt að **þrjá** sólarhringa.

### Upplýsingar um fastanúmer með tölvupóst og sms-skilaboðum:

Mikilvægt er að tilgreina netfang og/eða gsm-númer á umsókn, en upplýsingar um fastanúmer eru sendar með tölvupósti og SMS að lokinni forskráningu.

### Áskilin fylgigögn:

**Erlent skráningarskírteini:** Framvísa skal erlendu skráningarskírteini eða sambærilegum gögnum (t.d. "Certificate of Title" frá Bandaríkjunum) þegar sótt er um forskráningu á notuðu ökutæki. Á skráningarskírteini koma yfirleitt fram allar upplýsingar sem nauðsynlegar eru svo skrá megi ökutækið hér á landi en ef upplýsingarnar vantar verður að framvísa sérstökum staðfestingum frá framleiðanda. **Framvísa þarf frumriti skráningarskírteinis.**

**Upplýsingar um aldur ökutækis:** Ef upplýsingar um fyrsta skráningardag ökutækisins erlendis eða framleiðsluár koma ekki fram í erlendu skráningarskírteini skal framvísa sérstökum upplýsingum. Fyrsti skráningardagur skal þá staðfestur af erlendum skráningaraðila en framleiðsluár skal staðfest af framleiðanda ökutækisins. Ef ökutæki kemur frá Bandaríkjunum/Kanada þá er framleiðsluár lesið af miða/plötu á ökutækinu sjálfu.

**Burðargeta einstakra ása og leyfð heildarþyngd:** Framvísa þarf upplýsingum frá framleiðanda um hámarks burðargetu sérhvers áss ökutækisins (GVAW) og leyfilega heildarþyngd (GVWR), þ.e. eiginþyngd að viðbættri burðargetu ökutækisins. Nægilegt er að þessar upplýsingar komi fram í erlendu skráningarskírteini ökutækisins eða í ökutækinu sjálfu, annars þarf staðfesting frá framleiðanda.

**Upplýsingar um hreyfil:** Framvísa þarf upplýsingum frá framleiðanda um rúmtak hreyfils (cm<sup>3</sup>), afköst, hestöfl (hp) eða kílóvött (kW) og orkugjafa (bensín/dísel). Nægilegt er að þessar upplýsingar komi fram í erlendu skráningarskírteini ökutækisins eða í ökutækinu sjálfu, annars þarf upplýsingar framleiðanda.

**Farmbréf:** Framvísa þarf farmbréfi (Bill of Lading, Air Waybill, Sea Waybill, Waybill) þar sem umsækjandi er tilgreindur innflytjandi og verksmiðjunúmer ökutækis kemur fram. Ef farmbréf er ekki gefið út þarf að framvísa staðfestingu á flutningi ökutækis þar sem fram kemur nafn innflytjanda og verksmiðjunúmer ökutækis. Ekki þarf farmbréf eða staðfestingu á flutningi ef umsækjandi er eigandi skv. framlögðu skráningarskírteini eða akstursleyfi tollstjóra. Farmbréfið má vera í ljósriti.

### Viðbótargögn fyrir tiltekna ökutækisflokkka:

**Teikning af hópbifreið og eftirvagni til farþegaflutninga:** Framvísa þarf málsettri teikningu af stærð, sætaskipan og farangursgeymslum í mælikvarðanum 1:20 eða 1:25. Sjá nánar upplýsingaskjal um hópbifreið (US.310).

**Teikningar með eftirvagni eða tengitæki með leyfða heildarþyngd yfir 750 kg:** Framvísa þarf málsettri teikningu af ökutækinu með öllum aðalmálum (ekki kröfur um mælikvarða teikningar). Að auki skal fylgja teikning af hemlakerfi ökutækisins sem sýnir virkni aksturs- og stöðuhemla. **Á ekki við ökutæki áður skráðu innan EES.**

**Teikningar af tjaldvögnum, felli- og hjólhýsum með leyfða heildarþyngd 750 kg og undir:** Fylgja þarf teikning með öllum aðalmálum. Ekki eru gerðar kröfur um mælikvarða teikningarinnar. **Á ekki við ökutæki áður skráðu innan EES.**

### Pöntun skráningarmerkja – flýtipöntun.

Til að flýta fyrir skráningu ökutækis býðst umsækjanda að panta skráningarmerki um leið og umsókn er lögð fram. Greiða þarf fyrir skráningarmerkjin við pöntun. Nauðsynlegt er að tilgreina tegund og stærð skráningarmerkja. Ef sótt er um einkamerki skal fylla út *Umsókn um einkamerki* (US.151). Skráningarmerki eru pöntuð frá framleiðanda að lokinni forskráningu og berast Umferðarstofu á þriðja degi frá pöntun. Hægt er að óska eftir flýtipöntun gegn sérstöku flýtigjaldi, en fastanúmeri er þá úthlutað af lager og merkin því tilbúin strax að lokinni forskráningu. Skráningarmerki eru send á skoðunarstofu að lokinni forskráningu.

### Nýskráningarbeiðni.

Að lokinni forskráningu er gefin út nýskráningarbeiðni. Ef umsækjandi tilgreinir netfang er beiðnin send með tölvupósti að lokinni forskráningu. Ef netfang er ekki tilgreint er hægt að nálgast nýskráningarbeiðni hjá Umferðarstofu eða á skoðunarstofu.

### Skoðun á skoðunarstofu:

Fyrir nýskráningu þarf að færa ökutæki til samanburðar- eða skráningarskoðunar á faggiltri skoðunarstofu þar sem gengið er úr skugga um að um rétt ökutæki sé að ræða, að merkingar á búnaði þess séu í lagi og ástand þess að öðru leyti í samræmi við reglur um gerð og búnað ökutækja. Ef skoðunarstofa er tilgreind á umsókn **og** gengið hefur verið frá greiðslu fyrir skráningarmerki, eru þau send þangað að lokinni forskráningu.

### Lönd innan EES:

Á neðangreindri slóð er hægt að nálgast upplýsingar um aðildarlönd EES.

[http://europa.eu/abc/european\\_countries/index\\_en.htm](http://europa.eu/abc/european_countries/index_en.htm)

Eyðublöð og upplýsingaskjöl má nálgast á heimasíðu Umferðarstofu  
[www.us.is](http://www.us.is)